



ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

31 ՄԱՐՏԻ
2023 թ.
№ 3 (1101)

Թերթի առաջին համարը լույս է տեսել 1965 թ. մարտի 11-ին
երկշաբաթաբեր • հրատարակման 57-րդ տարի

ԽԱՉԱՏՈՒ ԱՐԿԹԱՆԻ ԱՆՎԱՆ ՀԱՅԿԱԿԱՆ ԴԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԻ ԴԱՇՏՈՒԱԹԵՐ

Մանկավարժական համալսարանի և կրթության ոլորտի կանա՛յք, սիրելի՛ մայրեր, բույրեր, աղջիկներ, շնորհավորում ենք բոլորիդ գարնանային փոփոխության կապակցությամբ



Հայաստանը դժվար օրեր է ապրում, մեզ բոլորիս պատուհասած պատերազմն անդառնալի կորուստներ բերեց: Թեև հետևանքների հաղթահարումը ծանր է ու դժվարին, պետք է կարողանանք համատեղ ելքեր գտնել:
Բոլորիդ մաղթում ենք հոգու և մտքի կորով, երջանկություն, սեր ու խաղաղություն:
Թող յուրաքանչյուր գարուն չեզ աշխատելու, ստեղծագործելու, արարելու և նվիրվելու մեծագույն կամքով օժտի, իսկ աշխատանքային յուրաքանչյուր հաջողություն բերկրանքով լցնի չեր հոգիները: Թող այս գարունը միայն խաղաղություն պարզևի չեզ, կրթության լույսով լցնի յուրաքանչյուր հայ օջախ, որ չեր հոգիներում մշտապես ծաղկաբույր գարուններ լինեն:

ԵՂԻՇԵ ԶԱՐԵՆՑ-126

Իմ օրերում ես ցանկացա լինել վեսն և ինքնուրույն,
Իմ օրերում ես ցանկացա կյանքս զոհել դրա սիրուն:

Իմ օրերում դժվար էր շատ լինել հաստատ ու մնայուն,-
Իմ օրերում պատմությունն էր յուրաքանչյուր բառիս նայուն:

Իմ օրերում երգը միայն նրանով էր մեծ ու անգին,-
Որ բորբոքում, հուր էր տալիս դեռ չկոփված, չեկած կյանքին:

Իմ օրերում շատ էր դժվար երգը՝ կյանքի համար երգած.-
Յուրաքանչյուր բառը - կամ մի թռիչք էր վեհ, կամ -մութ արկած:

Բայց օրերում իմ հուրիւրան աշխարհ էր նոր ծնվում հնից,-
Եվ մե՛ծ եմ ես, քանզի ինձ մեծ երթ էր նշված Պատմությունից...

Իմ օրերի երգը եթե իմ տողերից հիմա լսես-
Ուրեմն ես մե՛ծ եմ ու խոր, երգից էլ իմ՝ խոր ու վեսն...

Եվ եթե ես ունեմ մի բան, որով կարող եմ պարծենալ-
Իմ օրերի շափաղն է այդ, իմ օրերի ծայրը անահ...

Ողջո՛ւյն, ուրեմն, օրերիս, իմ օրերի անհո՛ւն շնչին,-
Եվ օրերիս հանդեպ այդ մեծ - թող երգս ձեզ թվա չնչին...

Բայց եթե կա երգում իմ գեթ շեշտ կամ մի բառ իմ օրերից-
Ես կմնամ հար ու հավետ, ես կարթնանամ մահից նորից...

Մե՛ծ եմ և իմ օրերով - ես այդ գիտեմ - հուր- հավիտյան,
Ողջո՛ւյն, իմ երգ, իմ խնդություն, իմ օրերի անհուն մատյան...

1934, 3. 2. ԵՐԵՎԱՆ

Սիրեք և հարգեք կնոջը, փնտրեք նրա մեջ ոչ միայն մխիթարություն, այլ զորություն, ոգեշնչում, չեր բարոյական ու հոգեկան ընդունակությունների սատարում:
Ջ. ՄԱԶԻՆԻ

Հանդիպում շրջանավարտ ուսուցիչների հետ

Մանկավարժական համալսարանի Պատմության և հասարակագիտության ֆակուլտետի ղեկավարության նախաձեռնությամբ ֆակուլտետում հանդիպում էր կազմակերպվել Երևանի և մարզերի պատմության մի խումբ բուհի շրջանավարտ ուսուցիչների հետ՝ քննարկելու «Պատմություն» առարկայի արդի հիմնախնդիրները:
Ֆակուլտետի ղեկան Էդգար Յովհաննիսյանը հանգամանորեն խոսեց «Պատմություն» առարկայի մերօրյա հիմնախնդիրների մասին՝ ընդգծելով, որ ֆակուլտետում առավել ուշադրություն է դարձվել պատմագիտական խնդիրներին՝ հետին պլանում թողնելով առարկայի դասավանդման մեթոդիկան:
Ներկա հանդիպման նպատակն էր շրջանավարտ ուսուցիչների հետ քննարկել դասավանդման մեթոդիկայի հարցերը, գտնել առարկայի դասավանդմանը խանգարող խնդիրների լուծման ուղիներ:
Դեկանը բարձրաձայնեց՝ ֆակուլտետի դասախոսների և պրակտիկ ուսուցիչների միջև խզում է առաջացել. տարիների ընթացքում սերնդափոխություն է եղել, փոխվել են խնդիրներն ու մարտահրավերները: Ահա ինչու երկխոսությամբ



յան է հրավիրել ֆակուլտետի շրջանավարտ ուսուցիչներին՝ լսելու նրանց կարծիքներն ու առաջարկությունները: Ֆակուլտետի դասախոսներն էլ պատրաստ են ուսուցիչների համար անցկացնել բաց դասեր՝ նվիրած պատմագիտության նորօրյա խնդիրներին:
Ելույթ ունեցող դասախոսները կարևորեցին տեխնոլոգիական տարբեր գործիքների՝ էլեկտրոնային քարտեզների

և այլ միջոցների կիրառումը դասերի ընթացքում՝ հորդորելով ուսուցիչներին վերոհիշյալ գործիքների կիրառությամբ բարձրացնել դասի արդյունավետությունը:
Տեղի ունեցավ գործնական քննարկում, որի ընթացքում, ելնելով իրենց դասավանդման փորձից, ուսուցիչները խոսեցին հանրակրթական դպրոցների պատմության դասագրքերում, ինչպես

նաև թեստերում տեղ գտած մի շարք բացթողումների մասին:
Դեկանն առաջարկեց ստեղծել սոցիալական հարթակ, որտեղ կհամատեղվեն առարկայի դասավանդման խնդիրներին վերաբերող ամենատարբեր հարցեր, կլսեն դասախոսների և ուսուցիչների կարծիքներն ու առաջարկությունները:
Էդգար Յովհաննիսյանն ուսուցիչներին տեղեկացրեց, որ մտադիր են ստեղծել ֆակուլտետի շրջանավարտների միավորում, «Պատմության արդի հիմնախնդիրներ» վերնագրով պարբերական, ինչպես նաև պատմության արդի խնդիրներին նվիրած լաբորատորիա:
«Խիստ կարևոր է ձեր փորձի հանրայնացումը, խնդիրների վերհանումը հենց պրակտիկ ուսուցիչ կողմից», -ասաց պրոֆեսոր Խաչատուր Ստեփանյանը՝ ցավով նշելով, որ սովորողները պատմություն չեն սիրում, որ այն սերմանելու խնդիր ունենք:
Վերոհիշյալ խնդիրների լուծումը պայմանավորված է այն հանգամանքով, թե ուսուցիչները որքանով կհնտեգրվեն այդ գործընթացներին: «Եկել է միասին մտածելու, ելքեր ու հնարավորություններ գտնելու և դրանք կյանքի կոչելու ժամանակը», -ասաց ղեկան Էդգար Յովհաննիսյանը:
Սիլվա ԱՍՐՅԱՆ



- Տիկին Գալստյան, ներկայացրե՞լ խնդրե՞մ:

- 1995-ին ավարտել եմ Խ. Աբովյանի անվան հայկական պետական մանկավարժական ինստիտուտը:

2002-2005 թթ.-ին Խ. Աբովյանի անվան հայկական պետական մանկավարժական համալսարանի արվեստագիտության կաբինետի վարիչ եմ եղել՝ այն համատեղելով դասախոսական աշխատանքի հետ: 2005 թ.-ից առայսօր Հայ նոր և նորագույն գրականության և նրա դասավանդման մեթոդիկայի ամբիոնի դասախոս եմ, բանասիրական գիտությունների թեկնածու (2003 թ.), դոցենտ (2012 թ.):

Իմ ուսումնասիրության շրջանակում հետևյալ դասընթացներն են՝ «Հայ նորագույն գրականության պատմություն», «Արդի պատմավիպասանություն», «Հայ նոր գրականության պատմություն», «Պատմության գեղարվեստական ընկալման առանձնահատկությունները», «Պատմության և անհատի փոխհարաբերության պրոբլեմը նորա-



գնահատական կորզելը լինի, այլ հաճույքով դասին ներկայանալն ու գիտելիքների պաշարը հարստացնելը: Այս ամենը կարող եմք իրականացնել՝ փոխադարձ հարգանքի և վստահության մթնոլորտ ձևավորելով:

- Ի՞նչ մեթոդներ եք կիրառում, որ Ձեր դասախոսություններն ու դասերը հետաքրքրեն ուսանողներին:

- Վերջին տարիներին փոխվել են դասավանդման մեթոդներն ու եղանակները: Դասախոսություններ թելադրելու մեթոդն այլևս արդիական չէ: Մեր օրերում կարևորվում են ուսանողակենտրոն մոտեցումը և ինտերակտիվ ուսուցման համակարգը: Չնայած որ դասի հիմնական դերակատարը (հատկապես մեծ լսարաններում) շարունակում է մնալ դասախոսը, բայց ես փորձում եմ քննարկումներ և բանավեճեր անցկացնելու մեթոդներով ներգրավել ուսանողներին դասագործընթացի մեջ: Ուսանողները գիտեն, որ ինձ համար նախընտրելի են իրենց ինքնուրույն վերլուծություններն ու սեփական տեսա-

րությունը, առաքինությունն ու խոհեմությունը: Ուստի, «գեղեցկության մասին հոգալիս պետք է սկսել հոգուց և սրտից, այլապես ոչ մի շարժում չի օգնի»:

- Մերօրյա դժվարությունները հաղթահարելու «դեղատոմս» ու՞նե՞ք. ի՞նչ եք անում հուսահատության պահերին:

- Մենք ապրում ենք ճգնաժամային իրավիճակներ, սակայն մարդն ուժեղ ինքնապաշտպանական համակարգ ունի և կարողանում է հաղթահարել դժվարությունները և դրանցից դուրս է գալիս ավելի ամուր և պաշտպանված:

Հուսահատության պահերին փորձում եմ ինքս ինձ վստահեցնել, որ ամեն ինչ ժամանակավոր է, անցողիկ և ստիպում եմ ինձ նվիրվել նախընտրած զբաղմունքներին: Պետք չէ ընտելանալ հուսահատությանը, այլապես դրանից ազատվելն ավելի դժվար է լինում: Համբերատարության, համառության և կամային ուժեղ դրսևորումների արդյունքում կարող եմք ձեռքբերել հուսահատական հոգեվիճակներից:

- Ինչպիսի՞ն է Լուսինե Գալստյանը ընտանիքում:

- Ինչպես բոլոր հայ մայրերն ու կանայք՝ հոգատար մայր (տղաներիս բնութագրմամբ՝ երբեմն չափից դուրս) և կին: Սիրում եմ համեղ պատրաստել և հյուրերը ընդունել:

Որոշ հարցերում ժամանակակից եմ, բայց հիմնականում հայ ավանդապաշտ կնոջը բնորոշ հատկանիշների կրողն եմ:

- Այսօր կրթված ու բարեկիրք հասարակության առկայությամբ են պայմանավորված շատ գործընթացներ, այդ թվում՝ երկրի անվտանգության պահպանումն ու հզորացումը: Ո՞րն է դասախոսի առաքելությունն այդ գործում:

- Միանշանակ ցանկացած երկրի զարգացման և հզորացման հիմքը կրթված հասարակությունն է: Կրթվելու ձգտումը միշտ էլ հայի ազգային բնավորության բաղկացուցիչ մասն է կազմել: Այսօր, ավելի քան երբևէ, կրթությունը դառնում է առաջնահերթ խնդիրներից մեկը, քանի որ կրթությունն այն հիմնաքարն է, որի վրա կառուցվում է Հայաստանի ապագան: Իսկ այդ գործում խիստ կարևորվում են մեր դասախոսներիս դերն ու գործունեությունը: Մասնագիտական գիտելիք հաղորդելուն զուգընթաց պետք է կարողանանք ուսանողների մեջ զարգացնել մարդկային, ազգային այնպիսի արժեքներ, որոնք կօգնեն իրենց՝ ապագայում այն ծառայեցնելու երկրի շենացման գործին: Չէ՞ որ նրանք են մեր վաղվա գիտնականներն ու ուսուցիչները: Կարևոր է, թե ինչ արժեհամակարգի կրող է դասախոսը և դա ուսանողներին փոխանցելու ինչպիսի հմտություններ ունի: Դիմակայելով ներկա բոլոր դժվարություններին ու մարտահրավերներին՝ դասախոսը պետք է ցուցաբերի արտացոլող նվիրում՝ նպատակին հասնելու համար:

- Ի՞նչ կմաղթեք 100-ամյա համալսարանի կանանց և աղջիկներին:

- Ինձ համար հարազատ դարձած կրթօջախի կանանց և աղջիկներին մաղթում եմ քաջառողջություն, ընտանեկան ջերմություն, խաղաղ և հզոր հայրենիքում ապրելու և արարելու հնարավորություն:

Լինենք ուժեղ և կենսունակ արժանապատիվ սերունդներ կրթելու և դաստիարակելու պատասխանատու գործում:

Զրույցը՝ Սիլվա ԱՄՐՅԱՆԻ

«Ժամանակի ընթացքում գեղեցիկ ու հմայիչ կնոջ չափանիշները նույնպես փոխվել են», - ասում է բանասիրական գիտությունների թեկնածու, դոցենտ Լուսինե ԳԱԼՍՏՅԱՆԸ

գույն պատմավիպասանության մեջ»:

Մասնակցել եմ մի շարք վերապատրաստումների, հանդես եմ եկել նաև որպես ուսուցիչների վերապատրաստող:

Տասնյակ հոդվածների, ուսումնամեթոդական գրքուկի, մենագրության հեղինակ եմ:

- Տիկին Գալստյան, գլոբալիզացիայի դարում, ըստ Ձեզ, որքանով են փոխվել կնոջ դերն ու գործառնությունը: Ինչպե՞ս եք Դուք վերաբերվում այդ երևույթին:

- Գլոբալիզացիան իր ազդեցությունն ունի երկրի հասարակական, քաղաքական կյանքի գրեթե բոլոր ոլորտների վրա: Ուստի այդ փոփոխություններից անմասն չէ նաև կինն իր գործառնություններով: Ես կասեի ոչ թե փոխվել, այլ ընդլայնվել են կնոջ գործառնությունը:

Երբ թերթում ենք պատմության էջերը, մեզ համար ակնհայտ է դառնում, որ հայ կինը բոլոր ժամանակներում էլ իր վճռական դերն է ունեցել:

Վերջին տարիներին հատկապես մեծացել են հայ կնոջ մասնակցությունն ու դերը քաղաքական, հասարակական կյանքի տարբեր ոլորտներում: Այո, կինն ունակ է պատասխանատու և կարևոր դերը զբաղեցնելու տարբեր հաստատություններում և հաջողելու իր գործում: Իրականության մեջ մենք ունենք այդպիսի բազում օրինակներ: Իհարկե, ողջունելի է այդ փաստը և միանգամայն ընդունելի: Բայց հասարակության մեջ կարևոր դերը ունենալը չպիտի խաթարի հայ կնոջ առաքինի նկարագիրն ու դերը հայկական ընտանիքում:

- Ո՞րն է կնոջ կենսակերպի Ձեր բանաձևը:

- Ճանաչել սեփական էությունը և ճիշտ դրսևորել քեզ տրված հատկանիշները՝ հիմքում ունենալով պատվախնդիր, բարի, արդարամիտ ու ազնիվ կնոջ որակները:

- Արժեքների վերագնահատման մեթոդներում ինչպե՞ս եք կարողանում Ձեր ուսանողների մեջ սերմանել ա-

մենակարևորը՝ բարոյական արժեքները՝ դրանք համադրելով մասնագիտական գիտելիքներին:

- Արդի հարափոփոխ ժամանակներում պետք է կարողանանք ճիշտ արձագանքել մարտահրավերներին, որպեսզի նպաստավոր պայմաններ ստեղծենք բարոյապես բարձր արժեքներ ունեցող սերունդ դաստիարակելու համար:

Այսօրվա ուսանողությունը մեր քաղաքակրթության ապագան է և նրա մեջ բարոյական ճիշտ արժեքներ սերմանելը մեր՝ դասախոսներիս առաջնային պարտականությունը պետք է լինի: Պատմությունը վկայում է, որ կենսունակ են և ապագա ունեն այն ազգերը, որոնք ավանդապաշտ են և առանձնակի սեր են տածում ազգային արժեքների՝ ազգային սովորույթների, մայրենի լեզվի, եկեղեցու, ինչպես նաև սեփական պետության նկատմամբ: Գրեթե յուրաքանչյուր դասաժամի մենք անդրադառնում ենք այս խնդիրներին և գեղարվեստական ստեղծագործությունների քննության միջոցով (իսկ հայ գրականությունը հարուստ է ազգային, բարոյական և մարդկային բարձր որակներ դավանող երկերով) վերահաստատում վերը նշված բարոյական արժեքներին և ազգային հոգեկերտվածքին հավատարիմ մնալու կարևորագույն գաղափարները:

- Դասախոս-ուսանող հարաբերություններում ինչի՞ վրա եք շեշտը դնում:

- Դասախոս-ուսանող հարաբերությունները կարող են արդյունավետ լինել այն դեպքում, երբ կողմերը հստակ պատկերացնում են իրենց իրավունքներն ու պարտականությունները, դրանց իրականացման սահմանները: Կարևոր է ուսանողին օգնել հասկանալու ինքնուրույն սովորելու ուղիները և մեթոդաբանությունը:

Բացի այդ՝ պետք է կարողանալ այնպիսի հարաբերություններ ձևավորել, որ ուսանողի գերմասկապակցը ոչ թե

կետները, որոնք կնպաստեն նրանց քննադատական մտածողության, հետազոտական կարողությունների զարգացմանը:

- Բնութագրե՞ք մերօրյա ուսանողին:

- Իհարկե, կան անձնային տարբեր որակներ ու հատկանիշներ ունեցող ուսանողներ, բայց եթե փորձենք ընդհանուր գնահատական տալ, պիտի ասեմ, որ մերօրյա ուսանողը համարձակ է, ինքնավստահ, նպատակասլաց, պատվախնդիր, հարցասեր, ունի ինքնատիպ մտածողություն, ունակ է պաշտպանելու սեփական տեսակետն ու իր իրավունքները: Կցանկանայի, որ այս բոլոր որակները նրանք ծառայեցնեն ի շահ ազգային:

Ինձ համար հաճելի է ու հետաքրքիր այսօրվա ուսանողի հետ աշխատելը:

- Ի՞նչ նախասիրություններ ունեք, որոնցով հարստացնում եք Ձեր առօրյան:

- Ընթերցանությունից բացի (որը ավելի շատ մասնագիտություն է, քան նախասիրություն) սիրում եմ ճաշակով երաժշտություն լսել, ժամանակ անցկացնել ընտանիքիս, ընկերներիս հետ, որն ինձ հոգեկան մեծ բավականություն է պարգևում: Սիրում եմ շրջագայել, բացահայտել հատկապես Հայաստանի գեղեցիկ և գողտրիկ անկյունները:

- Որո՞նք են այն հատկանիշները, որ կնոջը դարձնում են գեղեցիկ ու հմայիչ:

- Ժամանակի ընթացքում գեղեցիկ ու հմայիչ կնոջ չափանիշները նույնպես փոխվել են, բայց ինձ համար գեղեցիկ ու հմայիչ կինը շարունակում է մնալ ներքին ու արտաքին գեղեցկության ներդաշնակությամբ օժտված կինը: Իսկ ներքին գեղեցկության առաջին գրավականն, ըստ իս, կրթված լինելն է, որովհետև, ինչպես փաստում է նաև Պիեռ Բոնարշեն. «Գեղեցիկ եղիր, եթե կարող ես, իմաստուն, եթե ցանկանում ես, բայց խելամիտ պետք է լինես անպայման»:

Կնոջը գեղեցկացնում են նաև բա-



Շահեկան համագործակցություն

Բուհ-դպրոց համագործակցության շրջանակներում շարունակվում են այցելությունները հանրակրթական և միջին մասնագիտական տարբեր ուսումնական հաստատություններ: Խ. Աբովյանի անվան ՀՀԳՄՀ բանասիրական ֆակուլտետի մասնագիտական կողմնորոշման իրագրված խմբի անդամները դեկտեմբերի 2-3-ին, պրոֆեսոր Աշոտ Գալստյանի առաջնորդությամբ այցելեցին Երևանի Շառլ Ազնավուրի անվան մշակույթի և արվեստի պետական թուղթ: Ընտրությունը պատահական չէր, քանի որ մեծ շանտոնյեի անունը կրող թուղթի մասնավարժական և վարչական անձնակազմի գերակշիռ մասը մեր բուհի տարբեր ֆակուլտետների շրջանավարտներ են, և տարիներ շարունակ այս հաստատության շրջանավարտները բարձրագույն կրթությունը շարունակելու համար նախապատվությունը տալիս են հենց մանկավարժական մայր բուհին:

Կրթության մասին օրենքի կարգավորումներով ՀՀ միջին մասնագիտական կրթություն իրականացնող կրթական հաստատությունների՝ բարձր առաջադիմություն ունեցող շրջանավարտներն իրավունք ունեն համապատասխան առարկայական տարբերությունները հանձնելուց հետո ընդունվել և իրենց կրթությունը շարունակել բուհի 2-րդ կուրսում: Այս առումով էլ այցը նպատակային էր:

Դեկտեմբերի 2-3-ին, բանասիրական ֆակուլտետի փոխդեկան Եսայի Խաչատրյանը, ֆակուլտետի աշխատակից, հայ հին և միջնադարյան գրականության և նրա դասավանդման մեթոդիկայի ամբիոնի ասպիրանտ Հովհաննես Սարգսյանը և բանասիրական ֆակուլտետի 4-րդ կուրսի



ուսանողուհի, ուսանողական խորհրդի նախագահ Մերի Առաքելյանը թուղթի ուսանողների հետ հանդիպմանը նախ ներկայացրին 100-ամյա Մանկավարժականի 10 ֆակուլտետների, 50-ից ավելի մասնագիտությունների, առկա և հեռակա ուսուցման, կրեդիտային համակարգի, միջազգային հեղինակավոր բուհերի հետ համագործակցության, ինչպես նաև շարունակական կրթության առավելություններն ու առանձնահատկությունները:

«Այս դժվարին ժամանակներում մշակույթի և արվեստի ոլորտներում մասնագիտական ընտրություն կատարելը հերոսություն է», - հայոց լեզվի, գրականության, արվեստի ու մշակույթի ընդհանրությունների և բանասիրական ֆակուլտետի ավան-

դույթների մասին խոսելիս արձանագրեց Աշոտ Գալստյանը:

«Մայրենի լեզվին տիրապետելը և հայ գրականության լավագույն մոտիվներին ծանոթ լինելը անհրաժեշտություն է ոչ միայն լեզվաբանների ու գրականագետների, այլև ռեժիսորի, դերասանի, նկարչի, լրագրողի և այլ մասնագիտությունների ընտրող անձի համար՝ շփման կարողությունների զարգացման, գրագիտության տեսանկյունից», - նշեց երկրորդ մասնագիտությամբ ռեժիսոր Եսայի Խաչատրյանը:

«Ուսանողական առօրյան գերհագեցած է. մշակույթային, մարզական, ինտելեկտուալ և ժամանցային ծրագրերը, ամառային և ձմեռային հանգստի ապահովումը ձանձրանալու առիթ չեն տալիս ոչ մի ու-

սանողի», - ասաց Մերի Առաքելյանը: Քուլտի հայոց լեզվի և գրականության դասախոս, բանասիրականի շրջանավարտ Սոնա Վանյանը ոգևորությամբ ինչպես Մանկավարժականում անցկացրած ուսանողական տարիները՝ երախտագիտությամբ նշելով իրեն դասավանդած դասախոսների անունները:

Մանկավարժականի ներկայացուցիչները Շառլ Ազնավուրի անվան մշակույթի և արվեստի պետական թուղթի գրադարանին նվիրեցին բանասիրական ֆակուլտետի պրոֆեսորադասախոսական անձնակազմի և անդամների կողմից տպագրված գրքեր, գիտական հրատարակություններ և ուսումնամեթոդական ձեռնարկներ:

Քուլտի տնօրեն Վրեժ Կիրակոսյանի, ուսումնական հարցերով տնօրենի տեղակալներ Աննա Կիրակոսյանի և Հասմիկ Սարգսյանի, ինչպես նաև կարիերայի կենտրոնի պատասխանատու Լիլիթ Եղիազարյանի հետ քննարկվեցին և նախաձեռնվեցին հետագա համագործակցության հետ կապված հարցեր. մասնագետների փոխգործակցություն, ուսանողների պրակտիկաների անցկացում, համատեղ միջոցառումների կազմակերպում, փոխադասարանների շարունակականություն:

Մանկավարժականից հետո կազմակերպվեց շրջայց թուղթի մասնախմբերում. ժողովրդական արտիստ Վանուշ Խանասիրյանի անվան թանգրանլարան, օպերատորների, զգեստի մոդելավորողների, երաժիշտների համար առանձնացված համակարգչային լսարաններ, տաղանդավոր ուսանողների հեղինակած նկարների և արվեստի գործերի ցուցադրություն:

Հովհաննես ՍԱՐԳՍՅԱՆ
Հայ հին և միջնադարյան գրականության և նրա դասավանդման մեթոդիկայի ամբիոնի ասպիրանտ

«Մեր երկրում բնագիտական ոլորտում աշխարհային գրքերի և բարձր վարձարություն սրահայտու հնարավորությունները քիչ են»,-

ասում է ՀՊՄՀ Կենսաբանության, քիմիայի և աշխարհագրության ֆակուլտետի «Կենսաբանություն» մասնագիտության մագիստրատուրայի 2-րդ կուրսի ուսանողուհի Քնարիկ Համբարձումյանը

ՀՊՄՀ ուսանողների փոխանակության ծրագրի շրջանակներում Քնարիկ Համբարձումյանը ուսանել է Վիեննայի Բուհական ռեսուրսների և բնական գիտությունների (BOKU) համալսարանում: Ստորև ներկայացնում ենք մեր հարցազրույցն ուսանողուհու հետ:

- **Ինչպես ստացվեց, որ մասնակցեցիք ուսանողների փոխանակման ծրագրին և սովորեցիք Վիեննայի Բնական ռեսուրսների և բնական գիտությունների համալսարանում:**

- 2022-ի ամռանը համալսարանի միջազգային հարաբերությունների բաժնից հայտարարություն եղավ Վիեննայի Բնական ռեսուրսների և բնական գիտությունների համալսարանում ուսանելու հնարավորության մասին: Քանի որ ես համապատասխանում էի անհրաժեշտ պահանջներին, որոշեցի դիմել, արդյունքում հարցազրույցն անցնելով, ընտրվեցի որպես մասնակից:

- **Պատմեք այնտեղ ձեր ուսումնառության մասին:**

- Այնտեղ ուսանել եմ 5 ամիս՝ 2022 թվականի ձմեռային կիսամյակի ընթացքում: Ուսումնասիրել եմ 9 մասնագիտական առարկա: Հնարավորություն եմ ունեցել շփվելու տարբեր երկրներից ծրագրին մասնակցող ուսանողների հետ և ընդլայնելու ընկերական շրջապատս: Ծանոթացել եմ Եվրոպայի կրթական ծրագրին, զարգացրել եմ մասնագիտական և լեզվական ունակություններս: Միաժամանակ հասցրել եմ մի փոքր ծամփորդել և բացահայտել եվրոպական մշակույթը:

- **Կարո՞ղ եք զուգահեռներ անցկացնել Հայաստանի և այդ երկրի կրթական համակարգերի մեջ, ի՞նչ ընդհանրություններ և առանձնահատկություններ նկատեցիք:**

- Նախ կասեմ, որ ՀՊՄՀ-ում ստացած գիտելիքներն ինձ շատ են օգնել Վիեննայում ուսանելու ընթացքում, և երբեք գիտելիքի պակաս չեմ զգացել: Կրթական համա-



կարգում բնականաբար կային տարբերություններ՝ սկսած տեխնիկական, դասընթացի անցկացման, քննությունների վարման կարգից մինչև դասախոս- ուսանող հարաբերություններ: Քննության անցկացման ձևերն ընտրածս յուրաքանչյուր առարկայի համար տարբեր էին, մի դեպքում հետազոտական աշխատանք էինք իրականացնում և խմբով ներկայացնում, մի դեպքում ամեն շաբաթ առաջադրանքներ կատարում և արդյունքում վերջնական գնահատվում, մեկ այլ դեպքում՝ գրավոր քննություն հանձնում կամ զեկույց ունենում: Կրթական համակարգը շատ ճկուն և ուսանողակենտրոն էր, կարևորվում էին ուսանողի կարիքները և նախասիրությունները:

- **Եղա՞նք ձանաչողական էքսկուրսիաներ, ընթերցողների հետ կիսեք ստացած տպավորությունները:**

- Համալսարանը երեք օր միջազգային ուսանողների ընդունելության օրեր հայտարարեց, որոնց ընթացքում մեզ ծանոթացրին համալսարանի կառուցվածքին, բաժիններին, գրադարանին: Կազմակերպվեց ձանաչողական էքսկուրսիա Վիեննայի կենտրոնում, որի ընթացքում զբոսավարը հետաքրքիր փաստեր նշեց քաղաքի մասին: Ունեցանք քայլարշավ դեպի Վեննայի ամենաբարձր կետը, որի ընթացքում անցանք խաղողի դաշտերով և ուսումնասիրեցինք գինեգործության արվեստը:



Ընտրածս դասընթացներից մեկի շրջանակներում ունեցանք արշավներ դեպի Ավստրիայի անտառներ, հատուկ պահպանվող տարածքներ, ինչպես նաև բարձրացանք Ռաքս լեռը:

- **Հե՞շտ է լինել ՀՊՄՀ ուսանող. ի՞նչ առավելություններ ու բերություններ կնշեք:**

- Ըստ իս, ուսանողի հեշտ կամ դժվար լինելը շատ սուբյեկտիվ է: Իմ պարագայում հեշտ է եղել, քանի որ սիրել եմ սովորել և գիտելիքներս ընդլայնել, ուստի հաճույք եմ ստացել կրթական պրոցեսից: ՀՊՄՀ-ի

գլխավոր առավելությունն այն է, որ տալիս է մանկավարժի որակավորում, որն անգամ ուսուցիչ չդառնալու պարագայում կարևոր է, քանի որ նպաստում է անձի սոցիալական ունակությունների զարգացմանը: Թերությունն էլ, կարծում եմ, բուն մասնագիտական առարկաների մասով, տվյալ դեպքում կարող եմ խոսել կենսաբանության մասին, ավելի զիտելիքակենտրոնությունն է և գործնական, դաշտային պարապրուքների երկրորդ պլանում լինելը:

- **Կարո՞ղ եք բնութագրել մերօրյա ուսանողին՝ ձեր կուրսի օրինակով:**

- Կարծում եմ ուսանողները լինում են երկու հիմնական տիպի՝ նրանք, ովքեր եկել են սովորելու, ունեն հստակ նպատակ և գիտեն ինչի համար են սովորում, և ուսանողներ, ովքեր եկել են համալսարան բարձրագույն կրթության վկայական ստանալու համար. նրանց մեծամասամբ կրթական պրոցեսը չի հետաքրքրում:

- **Ի՞նչն է բնական գիտությունների ոլորտի մասնագիտությունները չեն հետաքրքրում հանրակրթական ուսումնական հաստատությունների շրջանավարտներին, հատկապես երբ այսօր այնքան անհրաժեշտ են մեր երկրի զարգացման ու առաջընթացի համար:**

- Աշակերտում սպագա մասնագիտության ընտրության հարցում կողմնորոշվելիս հաշվի է առնում աշխատանքային հեռանկարները, աշխատանքի ընդունվելու հավանականությունը և հնարավոր աշխատավարձի չափը: Տվյալ պարագայում մեր երկրում բնագիտական ոլորտում աշխատանք գտնելու և բարձր վարձատրություն ստանալու հնարավորությունները քիչ են, ինչն էլ հիմնական պատճառն է, որ աշակերտները չեն ընտրում: Ու գրեթե նույն պատճառով այն անձինք, ովքեր սովորում են բնագիտական առարկաներ, հետագայում փոխում են իրենց կողմնորոշումը և աշխատում օրինակ IT ոլորտում:

- **Ի՞նչ կուզես մաղթել մեր պաշտոնաբերի ընթերցողներին, ուսանողներին:**

- Կցանկանամ մաղթել, որ հավատան իրենց ուժերին և բաց չթողնեն այլ երկրում սովորելու հնարավորությունը, քանի որ այն ինքնուրույնության, ինքնաբացահայտման, աշխարհաճանաչման յուրահատուկ փորձ է, որը կարող է հետք թողնել նրանց հետագա կյանքի վրա:

Զրույցը՝ Սիլվա ԱՍՐՅԱՆԻ



Դրակրիկա

Ճանաչել և գնահատել մաթեմատիկայի դերը մարդու կյանքում

Պրակտիկան ուսումնական գործընթացի էական և կարևորագույն մասն է, քանի որ այն ապագա մանկավարժին հնարավորություն է տալիս ծեռք բերել նոր և բազմապիսի հմտություններ, կարողություններ, ձևավորել ուսուցչի սեփական օրինակը: Տեսական և գործնական գիտելիքների համադրությամբ ուսանողը ստանում է իր մասնագիտության ամբողջական պատկերը:

Դիպուկ է Դ. Մենդելեևի խոսքը. «Տեսությունը, որ չի ստուգվում փորձով, իր հայեցակարգի գեղեցկությամբ հանդերձ՝ կորցնում է կշիռը, չի ընդունվում. պրակտիկան, որի հիմքում չկա կշռադատված տեսություն, կորստի ու պարտության մեջ է»:

Ուսումնական տարում Մաթեմատիկայի, ֆիզիկայի և ինֆորմատիկայի ֆակուլտետի մաթեմատիկայի բաժնի 4-րդ կուրսի ուսանողներն իրենց կիրառական-ամփոփիչ պրակտիկան անցկացրին Երևանի դպրոցներում: Պրակտիկան տևեց 6 շաբաթ, որի ընթացքում ուսանողները վարեցին դասեր, կազմակերպեցին բաց դասեր, վիկտորինաներ: Դասերն անցկացրել են տարբեր մեթոդներով, կիրառել ինչպես ավանդական, այնպես էլ նորագույն մանկավարժական տեխնոլոգիաներ:

Դասեր անցկացնելուց զատ, պրակտիկանում իրականացրել են նաև տարբեր միջոցառումներ: Եղիշե Չարենցի անվան № 67 դպրոցում նրանք մեթոդիստ Ա. Մինասյանի գլխավորությամբ կազմակերպել էին համադպրոցական միջոցառում՝ «Կետի և ուղղի էվոլյուցիան» խորագրով, որի նպատակն էր մաթեմատիկայի նկատմամբ սեր և հետաքրքրության առաջացնելը, աշակերտներին ցույց տալ նրա գեղեցկությունը և կապը առօրյայի հետ, ինչպես նաև մեկնաբանել, որ բոլոր երկրաչափական պատկերները կապված են միմյանց հետ և առաջանում են մեկը մյուսից: Վիկտորինայի նպատակներից էին նաև սովորողների գիտելիքների ստուգումը, ճանաչողական մտածողությունը զարգացնելը, խնդիրների լուծման նկատմամբ ինքնավստահության, խմբային աշխատանքի միջոցով համատեղ մտավոր աշխատանքի ձևավորումը, ինչպես նաև աշակերտների արժեհամակարգի ձևավորումն ու տաղանդավոր աշակերտների բացահայտումը:



Խաչատուր Աբովյանի անվան ԳՊՄԳ հենակետային վարժարանում իրականացվել է «Երկրաչափական պատկերները բնության մեջ» խորագրով միջոցառում, իսկ «Մաթասպետ» վերնագրով միջոցառման նպատակն էր զարգացնել աշակերտների մտածողությունն ու տրամաբանությունը: Միջոցառման ընթացքում ներառված էր նաև մաթեմատիկական խաչբառը մեծ ոգևորվածություն էր առաջացրել աշակերտների մոտ: Մեթոդիստներն էին Վ.Վարդապետյանը և Վ.Վարդապարյանը:

Պրակտիկանում միջոցառումներ են իրականացրել նաև Արտաշես Շահինյանի անվան ֆիզիկամաթեմատիկական դպրոցում մեթոդիստներ Ա. Գրիգորյանի և Գ. Ասատրյանի գլխավորությամբ: Միջոցառումները կրում էին ուսուցանող, զարգացնող և դաստիարակող բնույթ. սովորեցնում էին բացառման կանոնը, զարգացնում փոխհամագործակցության կարողությունները, փաստարկման և միմյանց լսելու կուլտուրան, տրամաբանությունը, երևակայությունը:

Միջոցառումներին ներկա էին պրակտիկայի ղեկավար Ա. Մկրտչյանը, ֆակուլտետի ղեկավար տեղակալ Ն. Օրոյանը, ամբիոնի վարիչ Լ. Դուլազարյանը, պրակտիկայի մեթոդիստները, ուսուցչական կոլեկտիվը:

Պրակտիկան ուսանողներին հնարավորություն տվեց ոչ միայն գործնականում կիրառել իրենց գիտելիքները, բացահայտել մանկավարժական գործունեության մեջ իրենց ուժեղ և թույլ կողմերը, ստեղծագործելու, գեղեցիկ և արդյունավետ դասեր կազմակերպելու, ճիշտ մեթոդ ընտրելու, դասարանի կարգապահությունը ապահովելու կարողություններ, այլև մասնագետների, աշակերտների, ծնողների հետ աշխատելու հմտություններ:

Մարգարիտա ՇԱՀՆԱԶԱՐՅԱՆ
Մաթեմատիկայի բաժնի 4-րդ կուրսի ուսանողուհի



Խ. Աբովյանի անվան № 2 հիմնական դպրոցի 9-րդ դասարանում կազմակերպվել էր «ՆՄԱՆ ԵՌԱՆՆԵՐՆԵՐ» թեմայով բաց դաս՝ մեթոդիստ Օ. Սահակյանի գլխավորությամբ: Նպատակն էր՝ ճանաչել և գնահատել մաթեմատիկայի դերը մարդու կյանքում, ընդլայնել աշակերտների իմացության մտահորիզոնը, ստեղծել միջառարկայական կապեր, զարգացնել բարոյական արժեքներ: Ցույց է տրվել երկրաչափական պատկերների վերաբերյալ գիտելիքների կարևորությունը և կիրառությունը:

Անարդարության պայքարում թողեց մեծ սպորտը



«Բնավորության գիծ է՝ չեն սիրում պարտվել», - մեզ հետ զրույցում անկեղծանուն է բռնցքամարտիկ Սաշ Դիլանյանը: Նա ավարտել է Երևանի օլիմպիական պետական մարզական քոլեջը, այնուհետև ընդունվել է Հայաստանի ֆիզիկական կուլտուրայի և սպորտի պետական ինստիտուտ, սակայն ուսումը անավարտ է թողել:

Սաշ Դիլանյանը բազմաթիվ հաջո-

ղություններ է գրանցել Հայաստանի, Ռուսաստանի և Վրաստանի առաջնություններում՝ գրավելով առաջին հորիզոնականներ: Չենմպիոն է՝ «Իհարկե, եղել են, որ ունեցել են 2-րդ տեղի մրցանակներ, սակայն գերակշռում են չենմպիոնի տիտղոսներ»:

Ինչպես ուսանողի կայացման գործում մեծ դեր է կատարում դասախոսը, այնպես էլ մարզիկի կյանքում՝ մարզիչը: Մասնագիտական ամեն պարագայում նրան աջակցողն իր անձնական մարզիչն է եղել, իսկ մոտիվացնողը՝ հայրը:

«Հայրս ամեն պարագայում միշտ իմ կողքին է, դա է պատճառը, որ ես իմ բոլոր հաջողությունները վերագրում եմ նրան»:

Համալսարանում կրթությունը կիսատ թողնելուց հետո Սաշ Դիլանյանը տեղափոխվեց Ռուսաստան՝ փորձելով այնտեղ շարունակել կարիերան: «Սակայն դրա համար պարտադիր էր դառնալ Ռուսաստանի քաղաքացի, իսկ ես այդ չէի ուզում: Դրանից հետո վերջնականապես հրաժարվեցի բռնցից»:

Սպորտից հրաժարվելը մարզիկի մոտ միանգամայն չի եղել, այլ հասունացել է: «Ես ինձ Հայաստանում գնահատված չեմ զգացել, ես հարթել եմ տարբեր առաջնություններում, բայց այլ մարզիկների են ուղարկել Աշխարհի, Եվրոպայի առաջնություններ: Հաղթել եմ ռինգը, բայց արդյունքում գոտին տվել եմ պարտվողին»:

Սաշ Դիլանյանը 44 օրյա պատերազ-



մի մասնակից է, ծառայել է Նոյեմբերյանի Կողբի զորամասում. պատերազմի առաջին օրվանից եղել է դիրքերում: Բայց չի սիրում խոսել պատերազմի և այդ օրերի իր ապրումների մասին:

Կյսօր մարզիկը Հայաստանում չէ գեղեցիկ է հայրենիքից, սպորտից, չնայած նրան, որ դեռ հայրենի քաղաքում իրեն է սպասում հաղթանակները խորհրդանշող և փառավոր անցյալը հիշեցնող գոտիներով ու գավաթներով զարդարված սենյակը:

Անարդարության պատճառով Սաշ Դիլանյանը սիրելի սպորտը թողեց անցյալում:

Շողեր ՍԵԾՈՒՆՅԱՆ
ԳՊՄԳ հեռուստառադիոլրագրության բաժնի 3-րդ կուրսի ուսանող





Հայրենիք - Միյուրք

«Մենք հեռու ենք հայրենիքից, բայց հայրենիքը՝ մեր սրտում Հայաստանը քաղաքակրթության օրրանն է, հին աշխարհի առաջատար և զարգացած երկրներից մեկը»:

Յրանց Վերֆել

Վաղնջական ժամանակներից քաղաքակրթության բնօրրան հանդիսացող Հայաստանն այսօր կրկին ճգնաժամի մեջ է: Դամոկլյան սուրը կրկին կախվել է մեր ժողովրդի գլխին:

Մենք՝ տարագիրներս, ուզում ենք օգտակար լինել նրան և առաջին շեշտը դնում ենք հայապահպանության և հայրենի ուսուցման վրա: Ջանում ենք ար-

կապված են իրենց պատմական հայրենիքի՝ Հայաստանի և Արցախի հետ:

Ադրբեջանի կողմից Արցախի շրջափակման հետևանքով առաջացած ծանր ու դժվարին ժամանակահատվածում Կրասնոդարի և՛ երկրամասային, և՛ քաղաքային համայնքը կանգնած է Արցախի ժողովրդի կողքին և ցուցաբերում է մարդասիրական օգնություն:



կազմակերպվում է հայոց լեզվի, հայ ժողովրդի պատմության ուսուցում, անցկացվում են ուսումնական արշավներ, աջակցություն է ցուցաբերվում ստեղծագործական խմբերին: Կազմակերպվում են ստեղծագործական մրցույթներ, հայագիտական օլիմպիադաներ, ազգային տոներին նվիրված մասսայական համայնքային միջոցառումներ: Տարեցտարի ընդլայնվում է նաև մրցույթի մասնակիցների աշխարհագրությունը՝ ընդգրկելով մասնակիցների այլ երկրամասերից ևս:

Հանդիպումներ են անցկացվում մշակութային գործիչների հետ, հրավիրվում են դասախոսներ: Հիշարժան են անցկացված երեկոները՝ նվիրված Հովհաննես Թումանյանի, Սիլվա Կապուտիկյանի, Մարտիրոս Սարյանի, Հովհաննես Այվազյանի, Պարույր Սևակի և հայ մշակույթի այլ գործիչների ստեղծագործություններին:

Ուսուցիչների համար անցկացվում են կոնֆերանսներ և սեմինարներ, հրապարակվում և տարածվում է ուսումնական գրականություն:

2022 թվականին իմ հեղինակած «Սովորում են իմ մայրենի լեզուն», «Այբբե-



պատճենը, այն դիվիզիայի, որը մասնակցել է մացիստական զավթիչներից Կուբանի ազատագրմանը:

2022 թ. օգոստոսին տեղի ունեցավ հայագիտական յոթերորդ բաց տարածաշրջանային օլիմպիադան: Ընդհանուր առմամբ օլիմպիադային մասնակցեց 12-ից 17 տարեկան 100 աշակերտ՝ Կուբանի բոլոր շրջաններից, ինչպես նաև Ռոստովի մարզից: Հաղթողներին շնորհվեցին պատվոգրեր և խրախուսական մրցանակներ, այդ թվում՝ մասնակցություն Համահայկական օլիմպիադային, որը հետագայում անցկացվեց Հայաստանում:

Այս տարի Կուբանի շրջանների հայկական համայնքների երեխաները մասնակցեցին Հայաստանում անցկացված «Քայլ դեպի տուն» կրթաճանաչողական ծրագրին: Հայագիտության տարածաշրջանային օլիմպիադայում հաղթած և լավ արդյունքներ ցուցաբերած տասներեք պատանիներ իմ ուղեկցությամբ մեկնեցին իրենց պատմական հայրենիք՝ Հայաստան:

Ամեն տարի տեղի է ունենում հայոց լեզվի և հայագիտության ուսուցիչների տարածաշրջանային համաժողով: Այս տարի հայոց լեզվի և հայագիտության ուսուցիչների «Կրթություն և դաստիարակություն. հայկական մշակույթը՝ որպես հայապահպանության հիմք» 4-րդ տարածաշրջանային համաժողովին մասնակցում էր 50 ուսուցիչ՝ ոչ միայն ամբողջ Կուբանի, այլև Ռուսաստանի Դաշնության այլ քաղաքներից:

Համաժողովն ավարտվեց Կուբանում առաջին անգամ անցկացվող 2021-2022 ուսումնական տարվա «Տարվա ուսուցիչ» և «Տարվա աշակերտ» տարածաշրջանային մրցույթների հաղթողների պարգևատրմամբ:

«Տարվա ուսուցիչ» անվանակարգում հաղթող ճանաչվեց Նովոռոսիյսկ քաղաքի Ռասնկայա ավանի հայոց լեզվի ուսուցչուհի Արև Բալայանը: Նրա աշակերտները դարձան «Տարվա աշակերտ» տարածաշրջանային մրցույթների հաղթողներ:

Այն դարձավ բարի ավանդույթ: Սկսվել է 2023 թվականը: Կրասնոդարի երկրամասի ՌԴՄ տարածաշրջանային մասնաճյուղում ունի բազմաթիվ ծրագրեր, որոնք կիրականացվեն թիմի կուտակած համատեղ աշխատանքի փորձով և հիմնական նպատակի կարևորության գիտակցմամբ՝ համախմբելով հայ համայնքը մայրենի լեզվի, մշակույթի և հոգևոր արժեքների շուրջ:

Կարինե ՆԱՍՅԱՆ
Կրասնոդարի երկրամասի ՌԴՄ կրթության բաժնի վարիչ, հայոց լեզու և հայրենագիտության ուսուցչուհի, դասագրքերի հեղինակ

ՀԱՅԱԴԱՏՊԱՆՈՒԹՅԱՆ ԳԵՐԻՆԴԻՐԸ

տերկրում այն կազմակերպել բարձր մակարդակով: Մենք իրավունք չունենք թուլանալու, այլ պետք է կարողանանք կրթել ու դաստիարակել հայրենիքին նվիրված, բարձր բարոյական արժեքներով սերունդ, որը կդառնա հզոր հայրենիքի հենասյունը:

Կրասնոդարի երկրամասում հայերը երեկ չէ, որ հայտնվել են: Տարածաշրջանում նրանք բնակվել են առնվազն մ.թ.ա. 1-ին դարից: Պատմական հայրենիքից արտագաղթել են տնտեսական, կրոնական և քաղաքական դրդապատճառներից ելնելով: Սակայն բախտի քմահաճույթին տրված ու ճակատագրի բերումով՝ Կրասնոդարի երկրամասում հայտնված հայերը ոչ միայն կարողացել են գոյատևել, այլև հիմնավորվել և արարել, հասնել բարձունքների: Ապրելով հայրենիքից հեռու բազմազգ միջավայրում, բախվելով գոյապայքարի խնդիրներին՝ հաճախ կորցրել են իրենց ազգային նկարագիրը՝ լեզուն, հեռացել իրենց արմատներից, սովորություններից, օտար լեզուների ազդեցության տակ խաթարվել է նրանց լեզվական միասնականությունը:

Եվ այսօր Կրասնոդարի երկրամասում բնակվող հայերից շատերը չեն տիրապետում հայերենին, մի մասը խոսում է հայերենի բարբառներով, սակայն չի տիրապետում գրական խոսքին, չգիտեն հայ ժողովրդի պատմությունը: Հենց դրա համար էլ երկրամասի հայկական համայնքի առջև ծառայած է հայապահպանության գերխնդիրը, որի կարևոր նպատակը հայեցի սերունդ դաստիարակելն ու կայուն կրթական համակարգ ստեղծելն է: Այլ կերպ հնարավոր չէ, դա եկել է դարերի խորքից, իսկ այժմ այն պետք է ավելի արմատավորվի:

Քայլելով Կուբանի մայրաքաղաքում՝ Կրասնոդարում, ամենուրեք կարելի է տեսնել հայի հետքը՝ հայերի կառուցած հոյակերտ շենքեր (թե՛ հին, թե՛ նոր), վեհաշուք եկեղեցիներ, գեղեցիկ կրթամշակութային, առևտրի և զվարճանքի կենտրոններ:

Կուբանի հայերն անբակտելիորեն



Բազմաշերտ ու բազմաբնույթ է Կրասնոդարի երկրամասի հայերենի կրթական համակարգը: Ռուսաստանի հայերի միության երկրամասային կազմակերպության մեջ մտնում է 44 տեղական կազմակերպություն, որտեղ մախորդ տարիների համեմատ ավելացել է շաբաթօրյա և կիրակնօրյա դպրոցների քանակը (մոտավորապես 20), բացվել են հայկական կրթամշակութային կենտրոններ (Արմավիրում, Ապշերոսկում), հանրակրթական դպրոցներում ավելացել են հայերենի ուսուցման խմբերը (համայնքային իրավունքով), ռուսական կրթամշակութային կենտրոնների քանակը, որտեղ օժանդակ ուսուցման ծրագրով դասավանդվում է հայոց լեզու և հայրենագիտություն, ավելացել է էլեկտրոնային կուրսերի և ֆակուլտատիվ պարամունքների քանակը: Այս բոլոր կառույցներում աշխատում են 70-ից ավելի ուսուցիչներ: Ցավով են մշում, որ տարեցտարի դպրոցներում կրճատվում են մատյանային դասաժամերը: Դա լուրջ խնդիր է, պետական միջամտություն է պահանջվում, որը, ցավոք, չկա: Մենք անընդհատ բարձրաձայնում ենք այդ մասին և հուսով սպասում խնդրի լուծմանը:

Կրթական հաստատություններում

մարան», «Հանրագիտակ այբբենարան» և «Սովորիր գրել հայերեն» ավելի քան 500 դասագիրք և աշխատանքային տետրեր են բաշխվել երկրամասի դպրոցներին, իսկ «Կարդա՛ և գիր՛իր հայերեն» ծեռնարկն ուղարկվել է փորձաքննության ՀՀ Կրթության և գիտության նախարարության «Կրթության զարգացման և նորարարության ազգային կենտրոն» հիմնադրամ: Հուսամք, որ պատասխանը կլինի դրական և նոր ուսումնական տարում կունենանք նոր դասագիրք:

Ստեղծվել է «Երկխոսություն» մշակութային կենտրոնը, որն անցկացնում է հայերենի և ռուսերենի անվճար դասընթացներ հայ համայնքի համար: Գործում է երաժշտական ստուդիան, որտեղ երեխաները սովորում են նվագել հայկական երաժշտական գործիքների վրա (դուլ, քանոն), նաև վոկալի բաժին:

Լուրջ հաջողություն կարելի է համարել Կրասնոդարի Է. Ֆիլիցինի անվան պետական պատմահնագիտական թանգարան-արգելոցում հայ ժողովրդի պատմությանը, մշակույթին և ավանդույթներին նվիրված մշտական ցուցադրության բացումը: Ցուցանմուշների թվում է 89-րդ հայկական Թամանյան հրաձգային դիվիզիայի դրոշի ճշգրիտ



«Ես անմահների սերնդին հավերժ կարող եմ մնալու»

«Նրանց, ուն ես կորցրել եմ, ոչ ոք չի կարող ետ վերադարձնել: Ես անմահների սերնդին հավերժ կարող եմ մնալու: Կորցնելու և սգալու երկիր է հայրենիքս... անվերջ մեկին սպասելու կարող է հայրենիքս»: տողերի հեղինակը ԳՊՄՅ Գրգորյանի մոդելավորման բաժնի երկրորդ կուրսի ուսանողուհի Ռուզաննա Մարգարյանն է:

Կուլտուրայի ֆակուլտետի դահլիճում կայացավ ուսանողուհու՝ «Ձեռքդ դիր սրտիդ. ես այնտեղ եմ» խորագրով գրքի շնորհանդեսը: Այն տպագրվել էր դեռ 2022-ի տարեվերջին, ինչը, հեղինակի խոսքով, իրականացած երազանքի նման մի բան է իր համար: Շնորհանդեսի մեկնումները, գոհված հերոսների ծնողներ, բարեկամներ, դասախոսներ, ուսանողներ:

Միջոցառումը յուրատեսակ ձեռնարկ էր՝ և՛ շնորհանդես, և՛ հարգանքի տուրք՝ գոհվածներին և պատերազմից վերադարձածներին: Եղան ելույթներ, հնչեցին բանաստեղծություններ, երաժշտական կատարումներ. յուրաքանչյուր խոսքում և հնչյունում հայ զինվոր էր, հայրենիքն ու սերը, ինչպես նաև խաղաղություն վաստակելու խոստում:

Ռուզաննա Մարգարյանը 44-օրյա պատերազմից հետո շատ անսպասելի սկսել է գրել՝ թղթին հանձնելով իր ապրումներն ու զգացողությունները, ինչպես նաև մերօրյա հերոսների մասին պատմությունները, որոնք գրի է առել ծնողների, ընտանիքի անդամների հետ հանդիպմանը:

Երկու տարի տևած աշխատանքը ուսանողուհին տպագրել է սեփական միջոցներով՝ իբրև խորհրդանիշ, որ ինքն իր տեղում է՝ իր գործով նպաստելու զինվորների անունների անմահացմանը: Ապագա մոդելավորողը վստահ է՝ նույնիսկ իր մասնագիտությունը կարող է ծառայեցնել հերոսների անուններն անմահացնելուն. արդեն որոշել է՝ հիմնելու և նրանց անունով է կոչելու կենտրոններ, արվեստանոցներ:

Ռուզաննա Մարգարյանը լիահույս է՝ յուրաքանչյուր ընթերցող զուցե գրքի էջերում գտնի այն բացը, որը հենց ինքը պետք է լրացնի իր ամենօրյա գործով. «Սիրելի ընթերցող, հիշիր, որ ՀԱՅ ես. իսկ հայ ծնվում են միայն ուժեղները... հայի ճակատին հավերժ փորագրվեց պայքարը»:

Քրիստինե ՄԵԼՆՆՅԱՆ

100-ՎՄՅԱ ԲՈՒՀԻ ՊԱՏՄՈՒԹՅԱՆ ԹԱԵԳԱՐԱՆԸ

Խաչատուր Աբովյանի անվան հայկական պետական մանկավարժական համալսարանի պատմության թանգարանը բացման օրվանից ծավալում է բազմաբովանդակ գործունեություն: Կրթամշակութային այս կենտրոնի նպատակն է ներկայացնել բուհի կրթական, ճանաչողական և ուսուցողական բաղադրիչ մաս, շարունակում է սիրով ու ջերմությամբ հյուրընկալել տարբեր պահանջներ ունեցող այցելուների:

Համագործակցելով բուհի 10 ֆակուլտետների հետ՝ թանգարանում իրականացվում են մի շարք բովանդակալից ծրագրեր ու միջոցառումներ, նախատեսված տարբեր տարիքի այցելուների համար: Մանկավարժական բուհում սովորող ուսանողներն իրենց ուսումնական պրակտիկաների ընթացքում կազմակերպում են նաև դպրոցականների շրջանը համալսարանի պատմության թանգարան: Այցելուների մոտ մեծ հետաքրքրություն են առաջացնում ցուցադրված առարկաները, Խաչատուր Աբովյանի 3D անիմացիոն կերպարը: Թանգարանը սովորողներին տրամադրում է նաև նյութեր իր ֆոնդերից՝ ավարտական աշխատանքներ և գիտական հոդվածներ գրելու համար: Թանգարանի էքսկուրսիոն տեքստը հասանելի է նաև լսողության և խոսքի խանգարում ունեցող անձանց համար՝ սուրդոտեքստերի միջոցով, իսկ տեսողական խնդիրներ ունեցող անձինք ծանոթանում են բուհի պատմությանը բրայլյան տարբերակով տպագրված անոտագիոն տեքստերի միջոցով:



Թանգարանում անցկացվող մասնագիտական կողմնորոշման էքսկուրսիայի շնորհիվ հանրապետության տարբեր բնակավայրերում գործող դպրոցների ավագ դասարանների աշակերտները մանկավարժների ուղեկցությամբ այցելում են համալսարան՝ տեղեկանալով համալսարանի բազմաբնույթ մասնագիտությունների վերաբերյալ:

2023 թ. առաջին եռամսյակում արդեն թանգարան է այցելել դպրոցների և կրթական այլ հաստատությունների 968 սովորող: Հյուրընկալել ենք № 197 հիմնական դպրոցի, Գ. Թումանյանի № 32 դպրոցի, Երևանի պետական հումանիտար քոլեջի, Մ. Գալշյանի անվան № 148 ավագ դպրոցի, Վ. Սարգսյանի անվան ռազմական համալսարանի, Հայաստանի ազգային պոլիտեխնիկական համալսարանի սովորողներին: Պրակտիկայի շրջանակներում թանգարան են այցելել ԵՊՀ Արվեստաբանության բաժնի 4-րդ կուրսի ուսանողները: Յուրաքանչյուր էքսկուրսիայի վերջում այցելուների մեծ մասը թանգարանից դուրս գալուց առաջ իր գոհունակությունն է գրանցում տպավորությունների գրքում:

Կարինե ՍՈՐՈՍՆՅԱՆ
ԳՊՄՅ պատմության թանգարանի ֆոնդայակ

Հիշարժան դասեր Մոսկվայի հայկական կիրակնօրյա դպրոցում

Մարտի 19-ին ՀՀ դեսպանությանը կից Մոսկվայի «Վերածնունդ» հայկական կիրակնօրյա դպրոցի բարձր դասարաններում անցկացվեցին բաց դասեր՝ նվիրված Դ. Դեմիրճյանի «Վարդանանք» վեպի հրատարակման 80-ամյակին (առաջին հրատարակումը եղել է 1943 թվականին) և հայ մեծանուն գեղանկարիչ և գծանկարիչ, ԽՍՀՄ Գեղարվեստի ակադեմիայի ակադեմիկոս, ԽՍՀՄ ժողովրդական նկարիչ Գրիգոր Խանջյանի «Վարդանանք ճակատամարտ» թեմատիկ գորգանկարի ստեղծման 40-ամյակին (1983 թ.):

Թեմայի շրջանակներում խոսվեց հայ մեծ գրող Դեմիրճյանի Դեմիրճյանի և նրա «Վարդանանք» պատմավեպի, ինչպես նաև 20-րդ դարի հայ կերպարվեստի առաջնային ստեղծագործություններից մեկի՝ հայ մեծանուն գեղանկարիչ և գծանկարիչ, ԽՍՀՄ Գեղարվեստի ակադեմիայի ակադեմիկոս, ԽՍՀՄ ժողովրդական նկարիչ Գրիգոր Խանջյանի կողմից և Ն. Ս. Օ. Տ. Ս. Վազգեն Ա մեծանուն Հայոց Կաթողիկոսի աջակցությամբ ստեղծված մոնումենտալ աշխատանքի մասին՝ «Հայոց այբուբեն», «Ավարայրի ճկատամարտ», «Վերածնունդ» (աջ հատվածն ավարտին է հասցրել հայ անվանի նկարիչ, Հայաստանի ժողովրդական նկարիչ Հենրիկ Մամյանը 2000 թվականին):



Այդ օրը դպրոցում հյուրընկալվել էր ՌԴ-ում ՀՀ դեսպանության երկրորդ քարտուղար, քաղաքական գտությունների թեկնածու Գեղամ Աղամյանը, ով ևս ներկայացրեց փաստեր հայ ժողովրդի պատմական այս կարևոր էջի վերաբերյալ: Եվ զուր չի, որ հայ ժողովրդի պատմության դժվարին փուլերում ստեղծվեց թե՛ «Վարդանանք»-ը (Հայրենական մեծ պատերազմի տարիներին), թե՛ «Ավարայրի ճակատամարտ»-ը, (կտավը ստեղծվել է դժվարին 90-ականներին)՝ արթնացնելով հայի անկոտրում ոգին: Ունկնդիրները զանազան հարցեր ուղ-

ին): Այս դասերն առավել հասկանալի և համարելի են ծնողների համար, ովքեր հնարավորություն ունեցան իրենց զավակների հետ ընթերցելու հայ մեծ բանաստեղծների՝ Հ. Թումանյանի և Ա. Իսահակյանի, Հ. Շիրազի, և Վ. Տերյանի, Պ. Սևակի և Ս. Կապուտիկյանի, Հ. Սահյանի և Ն. Ջառյանի բանաստեղծությունները՝ նվիրված հայոց լեզվին, հայրենիքին, հայապահպանությանը:

Ծնողների խոսքերով՝ օտար հողում վերաթևարվեցին մեծ վարպետների խոսքերը և հիմա զգում են պատասխանատվության զգացում իրենց զավակների առջև: Ուստի դախլիճում և դասարաններում տիրում էր հուզական մթնոլորտ, մերթընդմերթ՝ խորը լռություն: Լուռ էին նույնիսկ ամենափոքրիկ սաները. երևի թե մտորում էին իրենց մաքուր հոգու ջինջ աշխարհում:

Բաց դասերից հետո ծնողներն իրենց շնորհակալական խոսքը հղեցին դպրոցի տնօրեն Շողիկ Փահլևանյանին և ուսուցչական համակազմին՝ նշելով նման ձևաչափի կարևորությունը դպրոց-ընտանիք, ուսուցիչ-աշակերտ կապի ամրապնդման ու զարգացման գործում:

«Վերածնունդ» հայկական կիրակնօրյա դպրոց, ՌԴ



ԱՊԱԳԱ ԼՐԱԳՐՈՂԻ ԷՋ



համար 20-րդ դարը նշանակալից էր: Կալուն աշխարհին հայտնի է իր հեղափոխական ու յուրօրինակ ինքնանկարներով: Ցավոք, միայն մահից հետո վերջինս գնահատվեց և հռչակ ձեռք բերեց:

Մեքսիկացի նկարչուհու՝ «Երկու Ֆրիդաները» կտավն ամենահայտնի ու քննարկված գործերից է համարվում: Այն կրկնակի ինքնադիմանկար է, որը պատկերում է նույն անունով երկու Կալուներին: Ըստ Կալոյի ընկերոջ՝ Ֆերնանդոյի հուշերի, կտավը ստեղծելիս նկարչուհին ոգեշնչվել է նույն տարի Լուվրում տեսած երկու՝ «Երկու քույրեր» և «Գաբրիել դ'Եստրեն քրոջ հետ» կտավներից: Մեքսիկական արվեստները նշանակալի ազդեցություն են ունեցել նրա ստեղծագործությունների վրա: Ֆրիդա Կալոյի գեղարվեստական ոճը երբեմն նկարագրում են ինչպես պարզամիտ կամ ժողովրդական արվեստ, իսկ սյուրռեալիզմի հիմնադիրներից Անդրե Բրետոնը նրան դասել է սյուրռեալիստների շարքին:

Ֆրիդա Կալուն ամուսնացած էր սիրված ու ճանաչված նկարիչ Դիեգո Ռիվերայի հետ: Ամեն ինչ փոխվեց այն ողբերգությունից հետո, որ ճակատագրական եղավ Ֆրիդայի կյանքում. նա հղիացավ, սակայն առողջական խնդիրների պատճառով կորցրեց երեխային: Այդ ընթացքում էլ նկարեց «Իմ ծնունդը» կտավը, ինչով սկսվեց նրա ստեղծագործական կարիերան:

Ավտովթարը ևս որոշիչ էր վերջինիս համար. Ֆրիդան 35 ծանր վիրահատություն ունեցավ, ինչը վերջնականապես սպառեց Կալոյին: Այդ շրջանում Ֆրիդան ստիպված էր անշարժ պառկել ու մնում էր միայն նկարից էր, զույգի ամուսնությունն ընդհատվեց, երբ Ֆրիդան ամուսնուն ու քրոջը տեսավ նույն անկողնում:

«Իմ կյանքում երկու արսափելի աղետ է եղել. առաջինը ավտովթարն էր, որ մեկընդմիջտ հաշմանդամ դարձրեց ինձ, երկրորդը՝ Դիեգոն», - ասում էր նկարչուհին:

Ամուսնալուծությունից հետո, արկածներ փնտրելով, Ֆրիդան սիրելով հանդերձ դավաճանում էր ամուսնուն՝ ինչպես հակառակ, այնպես էլ նույն սեռի հետ: Ֆրիդայի առողջությունը վատթարանում էր տարեցտարի: Նրան տանջում էին մշտական ցավերը:

Կյանքի վերջին օրերին Կալոյին խնամում էր ամուսինը՝ Դիեգոն:

«Ինձ համար եղավ ամենասարսափելին: Ես մեկընդմիջտ կորցրի իմ սիրելի Ֆրիդային: Իմ սերը նրա հանդեպ եղել է ամենահարաշալի բանն իմ կյանքում», - ասել էր:



«ԵՆ ՆԿԱՐԵԼ ԵՄ ՄԻՄԻԱՅՆ ԻՐԱԿԱՆՈՒԹՅՈՒՆԸ»

«Երբեք երազներ ու անիրական բաներ չեմ նկարել, ես նկարել եմ միմիայն իմ իրականությունը»

Ֆրիդա Կալո

50 ամուսն նկար, երկլեզու ցուցադրություն, շարժվող կտավներ ու բազմամարդ սրահ: Մեքսիկուհի նկարիչ Ֆրիդա Կալոյի աշխատանքները Երևանի ժամանակակից արվեստի թանգարանում են նոր ու հետաքրքիր լուծումներով:

40 րոպեների ընթացքում տեսագիտի միջոցով ցուցադրությանը ներկա արվեստասերները ծանոթանում են նրա կյանքի դժվար պատմությանն ու ստեղծագործական բուռն ընթացքին:

Մի խումբ նկարիչների, այդ թվում Ֆրիդա Կալոյի

րել: Անկողնու մոտ դրված հայելու միջոցով նա ինքնանկարներ էր անում:

«Ինքս ինձ շատ եմ նկարում, քանի որ միայն ինձ եմ ամենալավը ճանաչում», - պատճառաբանում էր Կալոն:

«Կոտրված սյուն» կտավը Կալոյի ամենահայտնի գործերից էր, որն առանձնակի հետաքրքրություն էր առաջացնում ներկաների մոտ: Կտավում Կալոյի մերկ մարմինն է մասնատված, ինչն արտացոլում է երկրորդ պլանում պատկերված հողի մասնատվածությունը: Մետաղյա կորսետը նրա հիվանդությունների խորհրդանիշն է, որ սահմանափակել է վերջինիս կյանքը:

Ամուսինը՝ Դիեգոն, 20 տարի մեծ էր Ֆրիդայից, բայց դա չէր խանգարում վերջինիս ամեն հարմար առիթով դավաճանել կողակցին: Չնայած նրան, որ նրանց սերը 20-րդ դարի ամենազգացմունքային ու հայտնի սիրավեպե-

տ է Դիեգո Ռիվերան կնոջ մահից հետո:

Դիեգոյի վերջին ցանկությունը եղել է, որ իր մահից հետո վառեն մարմինը և մոխիրը խառնեն սիրելի կնոջ մոխրի հետ:

Ֆրիդա Կալուն արվեստի պատմության մեջ մնաց որպես հզոր անհատականություն, առանձնակի կերպար, որն ուներ նպատակ, փիլիսոփայություն և ուղղություն:

Ընդհանուր առմամբ Ֆրիդա Կալոն ստեղծել է 143 կտավ, որոնցից 55-ը՝ ինքնանկարներ:

Լիլիթ ԱճԵՍՅԱՆ

ՀՀՄՀ հեռուստառադիոլրագրության բաժնի 3-րդ կուրսի ուսանող

Նկարազարդումների աշխարհում

«Ամեն օր և կյանքի ամեն փուլում պետք է գտնել մի հանգամանք, որով կարելի է առաջնորդվել. վայելել ու հաճույք ստանալ կյանքի ցանկացած փուլից», - մեզ հետ զրույցում ասում է գրքերի նկարազարդող Նաիրա Թանգամյանը: Նա սովորել է հաջատուր Աբովյանի անվան հայկական պետական մանկավարժական համալսարանի Գեղարվեստական կրթության ֆակուլտետում, այնուհետև դասավանդել հարազատ բուհում, ապա նաև «Փոքրիկ իշխան» կրթահամալիրում:

Նաիրա Թանգամյանն արդեն երկու տարի է, ինչ զբաղվում է գրքերի նկարազարդմամբ: Դրանք ամուսն է երկու եղանակով՝ ձեռքով և համակարգչային ծրագրերի միջոցով: Չեռքով նկարազարդելու համար նա օգտագործում է ջրաներկ, գուլամվոր մատիտներ: Նկարազարդումներն արվում են ջրաներկի համար նախատեսված թղթի վրա, հետագայում անցնում համակարգչային մշակում և բերվում են վերջնական տեսքի՝ գրքի մեջ օգտագործվելու համար: Երբեմն էլ այս երկու տեխնիկաները համատեղ է օգտագործում. նկարազարդումների որոշ մասն ամուսն է ձեռքով, որից հետո ներբեռնում համակարգչի մեջ և ավարտին է հասցնում համակարգչային ծրագրի օգնությամբ:

«Այս ոլորտում ոգեշնչման և կատարելագործվելու համար շատ մեծ դեր ունի համաշխարհային մանկական գրականությունը, որն ուսումնասիրելիս առավել մեծ ուշադրություն դարձնում են նկարազարդումներին», - ասում է Նաիրա Թանգամյանը և նկատում՝ մենք էլ ունենք անչափ գեղեցիկ մանկական գրականություն՝ հիասքանչ նկարազարդումներով, որոնցով չոգեշնչվելն ուղղակի

անհնար է:

Գրքերի նկարազարդման նախագծերը տարբեր ծավալի են լինում՝ սկսած երկու-երեք նկարից և նկարազարդված էջից մինչև 30-40 էջանոց նկարազարդումներ: Ամենամեծ նախագիծը, որ իրականացրել է, եղել է 90 նկար մեկ նախագծի համար: «Մեկ գրքի նկարազարդման համար պահանջվող ժամանակը կախված է նրանից, թե այն ինչ տեխնիկայով է արվում և ինչքան ծանրաբեռնված են նկարները. որքան խիտ է լինում իլյուստրացիան և որքան շատ փոփոխություններ են լինում նկարների վրա՝ այնքան բարդ»:

Մինչև նկարազարդման աշխատանքները սկսելը դրանք թեմատիկ առումով համապատասխանեցվում են տվյալ պատմվածքին. «Մենք հանդիպում ենք հեղինակի հետ, քննարկում բոլոր դետալներն ու պատմվածքին համապատասխան նկարազարդման թեման ընտրում»:

Նաիրա Թանգամյանն ունեցել է մի քանի անհատական ցուցահանդես, մասնակցել բազմաթիվ ցուցադրությունների, բայց հիմնականում իր գրքերն աշխատանքներով. գրքերի նկարազարդումները երբեք չի ցուցադրել:

«Ես ունեմ երկու աշխատանք, որոնք ինձ համար կարևոր են. «Լույսի ճանապարհին» գրքերն են ու դիմանկարների «Եռանկար» շարքը, որն ինձ համար անչափ սիրելի է ու հարազատ. դրանում պատկերված են



երեք ռասայի պատկանող կանայք և խորհրդանշում են կրոնական ու ազգային հավասարությունը», - ներկայացնում է Նաիրա Թանգամյանը:

Նաիրա Թանգամյանն առաջնորդվում է այն գաղափարով, որ ոչինչ հարատև չէ, ամեն անցողիկ է, դժվարին փուլերում պետք է առաջնորդվել գալիք գեղեցիկ օրերի սպասումով: Դժվարություններն այդ ժամանակ հաղթահարելի են. ցանկացած խնդիր մի օր մնում է անցյալում:

Նկարազարդող Նաիրա Թանգամյանը գտնում է, որ կյանքում հաջողելու ամենակարճ ճանապարհը սիրե-



լի գործով զբաղվելն է: Իսկ կերպարվեստի ոլորտում թե՛ սկսնակների, թե՛ փորձառուների համար անչափ կարևոր է շատ աշխատելն ու մշտապես կատարելագործվելը:

Գոհար ԹՈՐՈՍՅԱՆ

ՀՀՄՀ Կուսուրայի ֆակուլտետի հեռուստառադիոլրագրության բաժնի 3-րդ կուրսի ուսանող



«Ապարանյան ձմեռ-2023»-ը՝ մարզամշակութային յուրապեասակ խաչմերուկ

Չմեռային կատարյալ հանգստի համար բոլոր նախադրյալներն առկա են արևոտ օր, ձյուն, ուրախ տրամադրություն ու ջերմ մթնոլորտ: «Ապարանյան ձմեռ-2023» մարզամշակութային միջոցառումը Ապարանի համայնքապետարանի ջանքերով անցկացվում է Ապարանից 2 կմ հեռավորության վրա գտնվող 2050-2200 մ բարձրություն ունեցող Խաչատրի հատվածում: Այն ավանդական միջոցառում է, որն անցկացվում է 1970-ական թվականներից:

Միջոցառման սկիզբն ազդարարվեց ջահավառությամբ: Ապարանյան ուրախ տրամադրությունն ապահովված էր խարույկի շուրջ ազգային երգ ու պարով: Ապարանի համայնքները միջոցառմանը մասնակցում են առանձին տաղավարներով, յուրաքանչյուրն իր հետ բերել է հարազատ գյուղին բնորոշ ուտեստներ: Ներկայացնում են ճաշատեսակների պատմությունն ու սիրով հյուրասիրում հյուրերին:

Արագած գյուղի սեղանը զարդարված էր յուրահատուկ ճոխությամբ: Տարատեսակ տաղավարների մեջ միակն էր, որ իր հյուրերին ոչ միայն աղանդեր և ճաշեր (թանապուր, օձի թթու, պասուց տոլմա, քրչիկ, հարիսա) էր հյուրասիրում, այլ նաև հնուց եկած դավուրմա և մարդկանց կողմից շատ սիրված խաշ:

«Բոլոր սեղաններն էլ շքեղ են այսօր, իսկ դա գյուղի միասնական լինելու և պատրաստածի մեջ սեր դնելու արդյունքն է», - նշեց Արագած գյուղի Արվեստի դպրոցի տնօրեն Աննա Ավդալյանը:

Ծաղկաշեն գյուղի սեղանին բացի ավանդական ուտեստներից կար նաև

տարբեր տեսակի կանաչեղեն՝ բանջար, ինչպես իրենք են նշում:

«Բոլորը մենք մեր ձեռքով ենք հավաքել Եղիպատրուշ գյուղի դաշտերից, այնտեղից, որտեղ ներկայումս ճոպանուղին է», - ասաց Ծաղկաշեն գյուղի դպրոցի պատմության ուսուցչուհի Նաթելա Զաքարյանը:

Ի դեպ, Ծաղկաշենի տաղավարը տարբերվում էր նրանով, որ ցուցադրված էին ոչ միայն կերակրատեսակներ, այլև գիրք՝ Սուրո Գրիգի «Կյանքը մահվանն ընդառաջ»: Հեղինակը նույնպես Ծաղկաշեն գյուղից է, իսկ գիրքը Արցախի 44-օրյա պատերազմի մտորումների, ապրումների մասին է:

Քուչակ և Եղիպատրուշ գյուղերի սեղաններին դրված էր Քուչակի սագանը, որը հենց տեղին է բնորոշ և տեղում էլ պատրաստվում է: Իսկ Եղիպատրուշից տարբերվում էր գյուղից հավաքած խոտաբույսերով և ցորենից պատրաստվող գրեթե ամեն ինչով:

«Եղիպատրուշ»՝ նշանակում է անհաս ցորեն, բայց դա ներկա պահին այդքան էլ այդպես չէ, որովհետև այն հասունացած է, ու սեղանին դրվածները պատրաստված են ցորենով», - նշեց Եղիպատրուշ գյուղի միջնակարգ դպրոցի կազմակերպիչ Հայկանուշ Գրիգորյանը:

Ապարանցիների սեղանից անպակաս էր հումորը. ասում, խոսում և պատրաստածը սիրով հյուրասիրում էին հյուրերին:

Փառատոնին իրենց ուտեստները, պարերն ու շնորհակալությունները եզրիական գյուղերի ներկայացուցիչները, արթիկցիներն ու գավառցիները:

Միջոցառման երկրորդ մասում կազմակերպված տարբեր խաղերին մասնակցում էին ոչ միայն Ապարանի բնակիչներն, այլև մարդիկ, որոնք այստեղ էին ժամանել հատուկ վերջին ձյունը վայելելու, ձմեռային ժամանց ունենալու համար:

«Ապարանյան ձմեռ-2023»-ին մասնակցեցին նաև Մանկավարժական համալսարանի ուսանողները:

Ապարանի համայնքապետարանի կազմակերպած ամենամյա փառատոնին արվյանականները մասնակցում էին արդեն 2-րդ անգամ: ՀՊՄՀ շուրջ 70 ուսանող մասնակցեց բազկամարտի, հրաձգության, ձնամարտի և դահուկավազքի մրցության, ինչպես նաև սիրողական մյուս մրցաշարերին:

Ուսանողական խորհրդի նախագահ Պարույր Գալստյանը նկատում է՝ «Ապարանյան ձմեռ-2023»-ը ՀՊՄՀ ուսանողների այս տարվա արդեն երկրորդ ձմեռային ժամանցն է. երկրորդ կիսամյակից առաջ նրանք իրենց հանգիստն են անցկացրել Աղավնաձորի ուսումնական բազայում:

«Նմանատիպ միջոցառումներն ունեն և՛ ժամանցային, և՛ ուսուցողական նշանակություն: Դա նպաստում է, որ ուսանողները, բացի մասնագիտություն ստանալուց, ունենան նաև հիշարժան ուսանողական տարիներ», - նշեց Ուսանողական խորհրդի նախագահն ու հավելեց՝ ուսանողական կառույցն ամուլ է հնարավորը, որ ուսանողները մասնակցեն նման տարաբնույթ միջոցառումների:

Ուսանողները միակարծիք են՝ նման

ձեռնարկները նպաստում են, որ իրենք ունենան լիարժեք ուսանողական տարիներ, ամոռանալի հույզեր, սպորտային տրամադրություն և մրցութային զգացողություններ: Բացի այդ, նմանատիպ համայնքային միջոցառումները նպաստում են այլ բուհերի ուսանողների, երիտասարդների հետ նոր կապեր հաստատելուն:

Միջոցառման մարզական մասը ապահովել էր Ապարանի մարզադպրոցը:

Լիանա Մարգարյանը, որը Երևանից էր եկել, հիացած պատմում է. «Մի քանի տարի է, ինչ լսում են «Ապարանյան փառատոն»-ի մասին ու ցանկանում էի ինքս էլ մասնակցել: Այս տարի կարողացա մասնակցել ու հիացած եմ նման հյուրասիրությանը, այսքան ժամանակ ոչ մի տեղ չէի հանդիպել նման ջերմություն ու հյուրընկալություն»:

Կարծես ամեն ինչ ստացված էր, ջերմ ու ուրախ մթնոլորտ, երբ և՛ կազմակերպիչներն էին գոհ, և՛ հյուրերն՝ ուրախ, բոլորը տպավորված էին ջերմ վերաբերմունքից:

«Ապարանյան ձմեռը» ոչ առաջին անգամ էր և ոչ էլ վերջին, ուղղակի մի քանի տարի չէր ստացվում: Վերջին տարիներին փորձում ենք ամեն գնով գեղեցիկ ավանդույթը վերականգնել», - մեզ հետ զրույցում ասաց Արագածոտնի մարզպետ Սերգեյ Մովսիսյանը, որն ակտիվ մասնակցություն ցուցաբերեց միջոցառմանը:

Վիոլ ՈՍԿԱՆՅԱՆ
ՀՊՄՀ

Հեռուստառադիոլրագրության բաժնի 3-րդ կուրսի ուսանող

Կարոտի երգ

Հայրենապապակ չյունե թագուհի,
Մեզ հիացնում ես տեսքով վեհանիստ
Ու քո անթաքույց տխրության միջին
Հույսով սպասում, ժպտում ես հանգիստ:
Արձաթ վարսերը ուսերիդ փռած՝
Մեզ հմայում ես, մեր վեհ դշխուհի,
Ու համբերատար, ճերմակի միջին
Լուռ սպասում ես ավետման լուրին:
Կարոտդ դիզված մռայլ հունքերիդ,
Հայրենակարոտ աչքով ծվարած,
Քո տառապանքը հովերին տված՝

Ջուսպ սպասում ես, իմ սեզ լեռնուհի:
Ստատանջմունքդ անցյալին կտաս,
Եվ հայրենաբաղջ խոհերդ հաստատ հուշեր կդառնան,
Քո ջղանցքների սուրբ հողը նորից մերը կդառնա,
Եվ ինչ էլ լինի՝ իմը կդառնաս, իմ լեռ Արարատ:
Միայն կերգես մորմոքն անցյալիդ,
Քո արցունքներից գետեր կհորդեն,
Ու կմաքրվի տառապանք ու քեն,
Պայծառ գալիքիդ երգը կերգենք:

ԱՆՆԱ ԴՎԻԾՅԱՆ
ՀՊՄՀ Բանասիրական ֆակուլտետի շրջանավարտ, ուսուցչուհի

Մայր իմ

Մա՛յր իմ հոգատար,
Դու իմ սրբություն,
Իմ հպարտություն,
Իմ նեղ օրերի
Միակ փրկություն:
Աշխարհի բոլոր
Ծաղիկները վառ
Ծնվել են սիրով

Միայն քեզ համար:
Դու իմ աննման,
Դու սեր, դու հավատ,
Հույսի մի հյուլե,
Իմ թանկ ու լուսե:

ԱՆՆԱ ՍՄԲՍՅԱՆ
Բանասիրական ֆակուլտետի հայոց լեզու և գրականություն բաժնի 3-րդ կուրսի ուսանող



Գրանցման վկայական՝ 01Մ00184 տրված է 26.03.2008 թ.
Հասցեն՝ Տիգրան Մեծի 17, հեռ. 59-70-97:
Էլ. փոստ՝ Newspaperaspu.am, asryansilva@gmail.com
Տպագրված է «Տիգրան Մեծ» հրատարակչության տպագրատանը:
Հասցեն՝ Արշակունյաց 2
Տպաքանակը՝ 1800 օրինակ: Ծավալը՝ 2 տպ. մամուլ

Թերթի նյութերի արտատպումներն առանց խմբագրության համաձայնության արգելվում է: Հղումը պարտադիր է: Թերթը տարածվում է անվճար:
Հանձնված է տպագրության 31.03.2023 թ.
Թերթը կարող եք կարդալ ՀՊՄՀ կայքում՝ www.aspu.am

Գլխավոր խմբագիր՝
Սիլվա ԱՄՐՅԱՆ
Բանասիրական գիտությունների թեկնածու
Էջաղրումը՝ Պետրոս ՎԱՐԴԱՆՅԱՆԻ
Համարի պատասխանատու՝ Սիլվա ԱՄՐՅԱՆ